

Bosna i Hercegovina
Federacija Bosne i Hercegovine
Zeničko-dobojski kanton
OPĆINA VAREŠ
OPĆINSKO VIJEĆE
-Stručna služba Općinskog
vijeća i Općinskog načelnika-



Broj: 01-107/10
Vareš, 31.03. 2010. godine

Z A P I S N I K
s 17. sjednice Općinskog vijeća Vareš,
održane 31.03. 2010. godine

Josip Malbašić – predsjedavajući Općinskog vijeća Vareš, otvorio je 17. sjednicu s početkom u 9 sati, u velikoj sali Općine Vareš.

Izvršena je prozivka vijećnika.

Prisutni vijećnici: Ismet Abdulahović, Dženana Bešić, Tajiba Brkić, Dženana Hafizović, Izudin Ibrišimović, Kenan Kamenjaš, Džemo Kevrić, Milan Knežević, Jelena Kuhač-Odenwald, Ešref Likić, Ivan Lučić, Josip Malbašić, Željko Matić, Mario Mirčić, Majda Muftić, Mato Pavić, Elvir Rožajac, Jasmin Salketić, Dragan Sekulić, Nikola Šimić i Jelena Zlobec.

Pored vijećnika sjednici prisustvuju: općinski načelnik Hamdo Fatić, sekretar Općinskog vijeća Leon Pavlović, pomoćnici općinskog načelnika, predsjednici političkih stranaka, te predstavnici firme „Bičakčić“ iz Sarajeva.

Sekretar Općinskog vijeća izvijestio je Vijeće o realizaciji Zaključaka s prošle sjednice Vijeća i dostavljenim odgovorima na vijećnička pitanja. OV je donijelo 13 zaključaka, od tog broja 9 zaključaka se odnosi na mjere i zadatke u provođenju Programa rada OV i isti su stalno aktuelni, nisu vremenski određeni, a Kolegij i Stručna služba OV će pratiti provođenje istih. 3 zaključaka su u toku provođenja, a za 1 zaključak Stručna služba nema informaciju o njegovoj realizaciji. Na 20 postavljenih vijećničkih pitanja odgovor u pisanom obliku dat je na 16, a na 4 nema odgovora.

S obzirom da ima dosta donesenih Zaključaka na sjednicama OV koji su u toku provođenja ili nisu realizovani kao i to da ima vijećničkih pitanja na koje nije dat odgovor, Općinski načelnik se obavezao da će za narednu sjednicu OV pripremiti Informaciju o realizaciji zaključaka, inicijativa sa sjednica OV.

Općinski načelnik Hamdo Fatić u okviru aktuelne problematike na području općine Vareš izvijestio je Vijeće da nema novih informacija.

(Vijećnička pitanja)

Jasmin Salketić

Predložio da se odgovor koji je dobio na postavljeno pitanje na 16. sjednici OV Vareš, dostavi svim vijećnicima na upoznavanje.

Elvir Rožajac

1. Kako to da Elektrodistribucija Vareš ne može nabaviti korpu za mijenjanje sijalica po gradu i koliko treba mjeseci da prođe da bi iznajmili korpu i promijenili sijalice po gradu?
2. Kako riješiti stambeno pitanje porodice poginulog branitelja Džulbić iz Dervente?

Ismet Abdulahović

3. Federalno ministarstvo obrazovanja i kulture bilo je donator za obnovu područne škole u Dabravinama. Vidljivo je da nedostaju snjegobrani i da je raskinut gromobran.

Šta je ušlo u projekat, obnove, obzirom da tu idu djeca kao i svugdje, zašto nisu obuhvaćeni projektom: gromobrani i snjegobrani, ili su obuhvaćeni, a izvođač nije to uradio?

Tajiba Brkić

4. Da li se može ponovo postaviti ogledalo kod Željezare u Vareš Majdanu, zbog bezbjednosti saobraćaja?

Milan Knežević

Izjasnio se da je zadovoljan odgovorom koje je postavio na 16. sjednici OV Vareš, i traži da se u informativnom biltenu općine Vareš objavi obavijest koja je došla od Apoteke Sarajevo i tako upoznaju građani ?

Dženana Bešić

5. Zašto nije realizovana odluka OV Vareš o prodaji Mehaničke radionice? Traži u ime kluba SDA, da se uz odgovor dostave kopije ugovora o zakupu i korištenju općinske imovine, zgrade Mehaničke radionice koju koristi TRD i zgrade bivšeg skladišta S-30 koji koristi firma «Alma Ras»?
6. Plaća li općina Vareš još uvijek zakup kancelarijskih prostora koji se nalaze u zgradi Energoinvesta, i ako je odgovor pozitivan, u kolikom iznosu i kome?

Ivan Lučić

Napomenuo da nije ispunjen zaključak OV Vareš, da se javna rasvjeta uvede u okvire Zakona o komunalnim djelatnostima i ponovo napomenuo da je OV Vareš to dužno da uradi.

Džemo Kevrić

Traži da mu se za slijedeću sjednicu OV Vareš dostavi pismeni odgovor na postavljena dva pitanja na 16. sjednici OV Vareš.

Predlaže Općinskom načelniku da formira komisiju koja bi obišla sve lokalne puteve na području Općine Vareš, utvrdila njihovo stanje i da Općinski načelnik iz budeta izdvaja sredstva za sanaciju lokalnih puteva.

7. Traži da se uputi zahtjev Asfaltgradnji Visoko koji su bili izvođači radova i da odgovore zašto su ostavljeni otvoreni šahtovi na putevima MZ Striježevo-Kokošćići?

Pavić Mato

Nije zadovoljan sa odgovorom koji je postavio na 15. sjednici OV. Tražio je spisak garaža koje su u vlasništvu općine, tvrdi da nije dobio kompletan spisak.

8. Kad će se na dijelu regionalnog puta Ponikve-Odvojak uvesti policijska kontrola?
9. Da li Općinski načelnik i Općinske službe misle da su table upozorenja na ruševnim objektima dovoljna zaštita za građane koji prolaze ispod objekata i da li misle da će se s tim natpisom u budućem vremenu ograditi, ako se desi nešto, naročito na dijelu puta Nikovac?

Majda Muftić

10. Kada će se početi sa sanacijom puta Lovačko-Mižnovići, koji je u dužini od 12 km?
11. Kada će se početi sa izgradnjom rasvjete u Mižnovićima, Očeviji i Ligatićima?

Jelena Zlobec

12. Šta je sa novcem koji su građani Vareša skupili za nabavku ultrazvuka?
13. Šta je sa pregledima u Visokom, u vezi plaćanja usluga?

Nakon vijećničkih pitanja na raspravu je stavljen zapisnik s 16. sjednice Općinskog vijeća.

Nije bilo primjedbi i predsjedavajući je stavio na izjašnjavanje zapisnik, a nakon izjašnjavanja vijećnika konstatovao da je **jednoglasno usvojen zapisnik s 16. sjednice Općinskog vijeća Vareš.**

Predsjedavajući je upoznao vijećnike da je prije 17. sjednice OV Vareš, održana sjednica Kolegija OV Vareš, na kojoj je razmatran zahtjev od strane Općinskog načelnika, za dopunu dnevnog reda 17. sjednice OV.

Kolegij OV Vareš je prihvatio prijedlog za izmjenu dnevnog reda u skladu sa članom 62. Poslovnika o radu OV Vareš.

Predsjedavajući je upoznao vijećnike sa novim prijedlogom dnevnog reda za 17. sjednicu OV i predloženi dnevni red stavio je na raspravu.

Nije bilo primjedbi i predsjedavajući je stavio na izjašnjavanje predloženi dnevni red.

Nakon izjašnjavanja vijećnika konstatovao da je **jednoglasno usvojen s l i j e d e ć i**

D n e v n i r e d

1. **Prijedlog Zaključka o davanju saglasnosti za provođenje postupka koncesije za izgradnju male hidroelektrane «VAREŠ» na rijeci Stavnja, općina Vareš,**
2. **Prijedlog Zaključka o davanju saglasnosti za provođenje postupka koncesije za izgradnju male hidroelektrane «KULA» na rijeci Stavnja, općina Vareš,**
3. **Prijedlog Zaključka o davanju saglasnosti za provođenje postupka koncesije za izgradnju male hidroelektrane «HODŽIĆI» na rijeci Stavnja, općina Vareš,**
4. **Nacrt Odluke o komunalnom redu,**
5. **Nacrt Odluke o vodovodu i kanalizaciji,**
6. **Nacrt Odluke o standardima komunalnih usluga,**
7. **Nacrt Odluke o kalkulativnim parametrima,**
8. **Prijedlog Odluke o visini naknade članovima Općinske izborne komisije,**
9. **Prijedlog Odluke o dopunama odluke o bezbjednosti saobraćaja na putevima,**
10. **Prijedlog Odluke o izmjeni i dopuni o niskoakumulativnim i deficitarnim djelatnostima, br. 01-32/01 od 28.02. 2001. god.,**
11. **Izvještaj o radu Jedinstvenog općinskog organa uprave Općine Vareš i Općinskog načelnika za 2009. godinu,**
12. **Informacija o zaposlenosti u državnom i privatnom sektoru u svim oblastima, s podacima o nezaposlenosti na području općine Vareš,**
13. **T e k u ć a p i t a n j a.**

Predsjedavajući je na izjašnjavanje stavio prijedlog da se za prve tri tačke vodi zajednička rasprava, a nakon provedene rasprave da se Vijeće izjasni za svaku tačku pojedinačno.

Prijedlog je **jednoglasno usvojen.**

Otvorena je rasprava za tačke **Ad. 1.; Ad. 2.i Ad. 3.,** u kojoj su sudjelovali i iznijeli stavove predsjednici klubova i vijećnici: Elvir Rožajac, Ivan Lučić, Majda Muftić, Jasmin Salketić, Mario Mirčić, Ešref Likić, Tajiba Brkić, Željko Matić, Dženana Bešić, Ismet Abdulahović, Mato Pavić,

Milan Knežević, Nikola Šimić, Jelena Zlobec, Romić Branko, Džemo Kevrić, predsjedavajući Općinskog vijeća Josip Malbašić, općinski načelnik Hamdo Fatić, te predstavnici firme «Bičakčić» iz Sarajeva.

Općinski načelnik, kao predlagač, izvijestio je Općinsko vijeće da je ovaj postupak davanja saglasnosti jedan od postupaka u postupku davanja koncesije za korištenje vodotoka za mini-hidrocentrale. Upoznao je OV da je data suglasnost i da nema smetnji iz oblasti prostora, odnosno nema smetnji po Prostornom planu Općine Vareš, da se na rijeci Stavnja, u skladu sa stručnom studijom koja je urađena i projektima koji slijede poslije ovoga, izgrade mini-hidrocentrale.

Predstavnici firme «Bičakčić», gosp. Edhem Bičakčić i gosp. Armin Hadžialić, koji je potpisao projekte, napravili su kratku prezentaciju projekta koje su uradili na zahtjev braće Blažević iz Visokog, koji su potencijalni investitori ovome projektu.

Predsjedavajući je konstatovao iz rasprave da je većinski stav vijećnika, da se odgodi izjašnjavanje o suglasnostima.

Predsjedavajući je stavio na izjašnjavanje prijedlog vijećnika Ivana Lučića, **da se odgodi izjašnjavanje o Prijedlogu Zaključka o davanju suglasnosti za narednu sjednicu OV, a da se u međuvremenu organizuje posjeta jednom ili više ovakvih objekata, da bi se vijećnici što bolje upoznali sa ovim.**

Na izjašnjavanje je stavljen i prijedlog vijećnika Ismeta Abdulahović, **da se u međuvremenu organizuje javna rasprava u MZ Dabravine, vezano uz ovu suglasnost.**

Zaključci su **jednoglasno usvojeni.**

Ad. 4.

(Nacrt Odluke o komunalnom redu)

Stav Komisije za statutarna pitanja i propise je da se u članku 131. u drugom redu broj «01-75/05» zamijeni brojem «01-72/05» i da se u tečem redu ispred broja «01-64/07» doda broj «01-49/07 od 07.03. 2007. godine».

U raspravi o ovoj tački dnevnog reda sudjelovao je iznio svoje stavove i prijedloge, vijećnik Ivan Lučić. Nije više bilo učesnika u raspravi i predsjedavajući je zaključio raspravu.

Predlagač ispred Službe za prostorno uređenje i obnovu – Ermin Musa je obrazložio Odluku i prihvatio predložene prijedloge. Naglasio je da mu se u pismenoj formi dostave prijedlozi i sugestije vijećnika u narednih 10-15 dana.

Predsjedavajući je **zaključio da Nacrt Odluke o komunalnom redu sa primjedbama i prijedlozima u raspravi predstavlja dobru osnovu za izradu Prijedloga Odluke o komunalnom redu i pozvao zainteresirane da blagovremeno upute amandmane na ovaj akt..**

Nakon izjašnjavanja vijećnika po ovoj tački konstatovano je da je **jednoglasno usvojen predloženi**

Nacrt Odluke o komunalnom redu

Ad. 5.

(Nacrt Odluke o vodovodu i kanalizaciji)

U raspravi o ovoj tački dnevnog reda sudjelovao je i iznio svoje stavove vijećnik Jasmin Salketić. Nije više bilo učesnika u raspravi i predsjedavajući je zaključio raspravu.

Predlagač ispred Službe za prostorni uređenje i obnovu – Ermin Musa, obrazložio je primjebdu upućenu od strane vijećnika Jasmina Salketić.

Nakon izjašnjavanja vijećnika konstatovano je da je **jednoglasno usvojen**

Nacrt Odluke o vodovodu i kanalizaciji

Ad. 6.

(Nacrt Odluke o standardima komunalnih usluga)

U raspravi u ovoj tački dnevnog reda sudjelovao je vijećnik Ivan Lučić i iznio svoje stavove i primjedbe. Nije više bilo učesnika u raspravi i predsjedavajući je zaključio raspravu.

Predlagač ispred Službe za prostorno uređenje i obnovu Ermin Musa, izjasnio se o primjedbi vijećnika Ivana Lučića.

Nakon izjašnjavanja vijećnika konstatovano je da je **jednoglasno usvojen**

Nacrt Odluke o standardima komunalnih usluga

Ad. 7.

(Nacrt Odluke o kalkulativnim parametrima)

Nije bilo učesnika u raspravi o ovoj tački dnevnog reda.

Nakon izjašnjavanja vijećnika konstatovano je da je **jednoglasno usvojen**

Nacrt Odluke o standardima komunalnih usluga

Ad. 8.

(Prijedlog Odluke o visini naknade članovima Općinske izborne komisije)

U raspravi o ovoj tački dnevnog reda sudjelovali su i iznijeli svoje stavove, vijećnici: Dženana Bešić, Džemo Kevrić i Ivan Lučić.

Nakon izjašnjavanja vijećnika konstatovano je da je **jednoglasno donesena**

Odluka o visini naknade članovima Općinske izborne komisije

Ad. 9.

(Prijedlog Odluke o dopunama Odluke o bezbjednosti saobraćaja na putevima)

Komisija za statutarna pitanja i propise je nakon rasprave o predloženom prijedlogu Odluke istu uz 4 glasa za i 1 suzdržan prihvatila uz prijedlog da se u preambuli Odluke u drugom redu iza broja «06/06 doda broj «44/07», te da se navede Statut Općine Vareš, a brišu riječi koje se odnose na Poslovnik o radu Općinskog vijeća.

U nazivu Odluke zamijeniti riječ «o dopunama» sa riječi «o dopuni».

U članu 1. Prijedloga Odluke zamijeniti stav 1. sa tekstem "U Odluci o bezbjednosti saobraćaja na putevima broj: 01-12/04 od 05.02. 2004. godine i broj: 01-132/09 od 04.06. 2009. godine, iza člana 8. dodaje se novi član "8a" koji glasi:

" U ulici Čaršija, na prostoru ispred bivše ABS banke, trgovinskih, ugostiteljskih i drugih poslovnih objekata do pijace, od 1. maja do 30. septembra u vremenu od 08 do 23 sata nije dozvoljen saobraćaj motornim vozilima u oba smjera osim vozila za snadbjevanje kada obavljaju tu namjenu."

U prijedlogu Odluke ispod riječi Predsjedavajući Općinskog vijeća staviti tekst " Odluka je objavljena na oglasnoj ploči Općine Vareš dana _____ 2010. godine".

U raspravi o ovoj tački dnevnog reda sudjelovao je vijećnik Džemo Kevrić i iznio svoje stavove i primjedbe.

Nakon izjašnjavanja vijećnika konstatovano je da je **jednoglasno usvojena**

Odluka o dopuni Odluke o bezbjednosti saobraćaja na putevima

Ad. 10.

(Prijedlog Odluke o izmjeni i dopuni Odluke o niskoakumulativnim i deficitarnim djelatnostima, br. 01-32/01 od 28.02. 2001. god.)

Komisija za statutarna pitanja i propise je nakon rasprave o prijedlogu Odluke Komisija za statutarna pitanja i propise jednoglasno predložila da se u preambuli Odluke u drugom redu brišu riječi "I Zakona o izmjenama i dopunama zakona o doprinosima" i da se u četvrtom redu broj «19/08» zamijeni brojem "14/08".

Da se naziv Odluke preformuliše i da glasi "Odluku o dopuni Odluke o niskoakumulativnim i deficitarnim djelatnostima".

Komisija predlaže da se član 1. mijenja i da glasi "U Odluci o niskoakumulativnim i deficitarnim djelatnostima, broj; 01-32/01 od 28.02. 2001. godine, u članu 2. stav 1. iza alineje 16. dodaje se nova alineja 17., koja glasi " frizeri".

Komisija predlaže da se član 2. i 3. brišu u prijedlogu Odluke, a da se član 4. zamijeni i bude član 2. prijedloga Odluke.

U raspravi o ovoj tački dnevnog reda sudjelovali su i iznijeli svoje stavove i primjedbe vijećnici: Nikola Šimić, Mato Pavić.

Predlagač, Jadranka Radoš je ispred Službe za gospodarstvo i financije upoznala vijećnike sa podacima koje su tražili, a koje je dobila od Poreske uprave Vareš.

Nakon izjašnjavanja vijećnika konstatovano je da je sa **20 glasova za i 1 suzdržanim usvojena**

Odluka o dopuni Odluke o niskoakumulativnim i deficitarnim djelatnostima

Ad.11.

(Izveštaj o radu Jedinственog općinskog organa uprave Općine Vareš i Općinskog načelnika za 2009. godinu)

Nije bilo učesnika u raspravi u ovoj tački dnevnog reda i nakon izjašnjavanja vijećnika konstatovano je da sa **7 glasova za i 4 suzdržana nije usvojen predloženi**

Izveštaj o radu jedinstvenog općinskog organa uprave Općine Vareš i Općinskog načelnika za 2009. godinu.

Ad. 12.

(Informacija o zaposlenosti u državnom i privatnom sektoru u svim oblastima, s podacima o nezaposlenosti na području općine Vareš)

Predlagač, ispred Službe za gospodarstvo i financije, Jadranka Radoš, obrazložila je i dopunila ovu informaciju sa slijedećim podacima:

-u tabeli o privatnim firmama i poduzećima izostavljena je firma «EKO-DRVO», pa je dopunjavamo sa 16 zaposlenih radnika, kod samostalnih trgovinskih radnji, u tabeli je tehničkom greškom izostavljena trgovina pod firmom «Dućan 2» u Vareš Majdanu gdje nema prijavljenog radnika, Elektrodistribucija Vareš ima 17 zaposlenih radnika, UniCredit banka, POVlovnica Vareš ima 3 zaposlena radnika, Pošta Vareš ima 12 zaposlenih radnika, BH Telekom ima 3 zaposlena radnika, Energoinvest Vareš ima 4 zaposlena radnika, GP Vranica Bobovac Vareš ima 2 zaposlena radnika, MES-VAR LIV doo Vareš ima 10 zaposlenih radnika, firma Sekundarne sirovine nije dostavila podatke o broju zaposlenih koji su traženi pismeno i telefonski, Hrvatski radio Bobovac ima 3 zaposlena radnika i list Bobovac 1 zaposleni radnik. Tko da sa ovim novim dopunama broj zaposlenih od 1.410 je promijenjen u

1.481 uposleni radnik. Predlagač je OV obrazložio podatke o firmi «Šumex» da je sa 31. 12. 2009. godine u Šumexu bilo 74 zaposlena radnika, kako i stoji u Informaciji. U razgovoru sa direktorom firme dobile su se nove informacije, tako da je u januaru 2010. godine radilo 15 radnika, a ostali su upućeni na Zavod za zapošljavanje, dok u februaru i martu 2010. godine radi svega 9 radnika.

U raspravi su učestvovali: Mato Pavić, Elvir Rožajac, Nikola Šimić

Nakon zaključene rasprave predsjedavajući je Informacija s predloženim **zaključkom, da se maksimalno poštuju Ustavni amandmani o ravnopravnosti kada je u pitanju upošljavanje u Javnim ustanovama organa uprave i zastupljenost u upravnim i nadzornim odborima**, stavio na izjašnjenje, te konstatovao **da je sa 11 glasova za i 1 suzdržanim usvojen zaključak i**

Informacija o zaposlenosti u državnom i privatnom sektoru u svim oblastima, s podacima o nezaposlenosti na području općine Vareš

Ad. 13.

(Tekuća pitanja)

1. MZ Vijaka i Udruga «Eko turist» uputili su Vijeću Zahtjev za intervenciju u svrhu sprečavanja devastiranja puteva i uništavanja okoliša na prostoru MZ Vijaka koji nastaju pri sjeći i izvozu šumskih sortimenata.

Predsjedavajući je upoznao OV sa sadržajem zahtjeva.

U raspravi su učestvovali vijećnici: Željko Matić, Elvir Rožajac, Mario Mirčić, Jelena Kuhač Odenwald, Džemo Kevrić, Jelena Zlobec, Ivan Lučić, Milan Knežević, Nikola Šimić, Dženana Bešić, Majda Muftić i Mato Pavić.

Nakon rasprave predsjedavajući je predložio Zaključke:

1. **Formirati Komisiju u sastavu: Milan Knežević, Jelena Kuhač Odenwald, Ismet Abdulahović i Dženana Bešić. Zadatak Komisije je da na licu mjesta utvrdi u kojoj se mjeri slažu navodi iz Zahtjeva MZ vijaka i da se o tome izvijesti OV, a takođe da se obiđu i ostali lokaliteti i da se OV podnese kratak izvještaj.**
2. **Ovlašćuje se Predsjedavajući OV da pripremi Nacrt pratećeg pisma i da se nakon toga sazove sjednica Kolegija koji bi usvojio pismo sa ciljem da se Zahtjev iz MZ Vijaka uputi na nadležne adrese zadužene za provođenje i nadzor nad provođenjem pozitivnih zakonskih propisa.**
3. **Vijećnici podržavaju napore MZ Vijaka na očuvanju putnih komunikacija i svoje okoline.**

Zaključci su jednoglasno usvojeni.

2. Disco club «Campari» Vareš uputio je Zahtjev za omogućenje pristupa i odobrenje prolaska dostavnih vozila i ličnog vozila Disco klubu «Campari».

Predsjedavajući je predložio **Zaključak kojim se zadužuje Općinski načelnik da riješi problem prolaska dostavnih vozila do zgrade Radničkog doma, odnosno Disco kluba «Campari».**

Zaključak je jednoglasno usvojen.

3. Policijska uprava Vareš uputila je Prijedlog za izmjene i dopune općinske Odluke o javnom redu i miru.

Predsjedavajući je predložio **da se zaduži Općinski načelnik da pripremi izmjene ove Odluke u skladu sa Zaključkom Kantonalne skupštine i Inicijativom Policijske stanice Vareš.**

Zaključak je jednoglasno usvojen.

4. Nadzorni odbor JKP doo Vareš uputio je Zaključak o pokretanju inicijative za izradu socijalne karte najugroženijih socijalnih slučajeva na području općine Vareš koji bi, u cijelosti ili djelimično, bili oslobođeni plaćanja komunalnih usluga.

Predsjedavajući OV je **predložio Zaključak da se Općinski načelnik zaduži da razmotri ovu Inicijativu i ukoliko se ukaže opravdana potreba da se pristupi izradi socijalne karte sa ovim i eventualno drugim ciljevima.**

Isto tako, predsjedavajući je podsjetio na član 105. Poslovnika da je rok 15 dana da Općinski načelnik obavijesti OV o svom stavu vezano za ovu Inicijativu.

Zaključak je jednoglasno usvojen.

5. Predsjedavajući je upoznao OV sa odgovorom Regulatorne Komisije za električnu energiju u FBiH «FERK», vezano za probleme snadbjevanja el. energijom na sjevernom dijelu općine Vareš.

Predsjedavajući je **naglasio, da se korisnici el.energije u Mjesnim zajednicama na područjima gdje se dešavaju učestali kvarovi, obrate preko OV Vareš ili direktno «FERKU» sa svojim primjedbama, jer je «FERK» u poziciji da to sankcionira.**

6. Ivan Lučić je podsjetio da je na 16. sjednici OV pokrenuo Inicijativu za izmjenu Zakona o građenju ZE-DO kantona, na temelju koje je OV donijelo Zaključak. Zamolio je Općinskog načelnika da pristupi realizaciji Zaključaka OV, je za ovu sjednicu nije pripremljeno, i da se za slijedeću sjednicu OV realizuje ovaj Zaključak po Inicijativi.

Podsjetio je na Inicijativu, vezano za postavljanje Izvoda iz reda vožnje autobusa koji saobraćaju na relaciji Vareš-Zagreb, Vareš-Zenica i Vareš-Sarajevo, da je to samo djelimično realizirano. Nisu osposobljene oglasne table i nisu postavljeni Izvodi vožnje kako je bio Zaključak OV.

Vijeće svojim **Zaključkom inzistira da se ova dva Zaključka , na koje je pozvao Ivan Lučić, ažuriraju i da se provedu u skladu sa prethodno donesenim Zaključcima OV.**

Zaključak je jednoglasno usvojen.

7. Dženana Bešić je ispred Kluba vijećnika SDA, a vezano za Odluku o visini naknade članovima Općinske izborne komisije, iznijela prijedlog:

1. - da se za narednu sjednicu OV pripremi Izvještaj o radu Lokalne izborne komisije sa detaljnim podacima; koje poslove i aktivnosti članovi Lokalne izborne komisije obavljaju inače u izbornom periodu, a naročito u periodu kada nema izborne aktivnosti, kada nije izborna godina. Takođe traži da se u Izvještaju dostave podaci za svakog člana komisije pojedinačno, kada je izabran i kada mu ističe mandat u skladu sa Izbornim zakonom, i da se u Izvještaj uključe podaci koliko uzastopno jedan član komisije može biti biran, tj. koliko mandata može da obavlja tu funkciju.

Prijedlog je jednoglasno usvojen.

2. Prijedlog kluba vijećnika SDA je da Općinski načelnik pripremi prijedlog Odluke o načinu obilježavanja državnih praznika: 1. ožujak - Dana nezavisnosti BiH i 25. studeni - Dana državnosti BiH.

Predsjedavajući je predložio da ovaj **Prijedlog kluba vijećnika SDA ide kao Inicijativa za Općinskog načelnika, da nadležne Službe razmotre ovu problematiku i da se očituju o istom i ako misle da imaju prostora, da pripreme odluku, a ako ne onda da se pismeno izvijesti OV.**

Dženana Bešić je prihvatila prijedlog predsjedavajućeg.

Prijedlog je jednoglasno usvojen.

3. U ime kluba vijećnika SDA, iznijela je konstataciju i prijedlog za vijećnike, da OV donese zaključak kojim se sugerira Općinskom načelniku da u komisije koje on imenuje, a koje odlučuju o prijedlozima za novčane i druge vidove pomoći po transferima ministarstava Vlade ZE-DO kantona i Vlade Federacije, ne mogu biti imenovani vijećnici, članovi glavnih odbora političkih stranaka i predsjednici političkih stranaka.

Otvorena je rasprava u kojoj su svoje stavove iznijeli predsjedavajući i vijećnik Ismet Abdulahović.

Predsjedavajući je nakon rasprave izvijestio OV da o **ovom prijedlogu ne može predložiti nikakav zaključak i da Općinskom načelniku u skladu sa njegovim nadležnostima daje na volju hoće li prihvatiti ovu sugestiju kluba vijećnika SDA i proširiti primjenu odredbi Zakona o sukobu interesa.**

Sjednica je završena u 15 sati i 43 minute.

S E K R E T A R

Leon Pavlović

PREDSJEDAVALJUĆI

Josip Malbašić

ZAPISNIČAR

Azra Ibrahimović